

# Txirritola

ARAMAIO / Barikua / 2002ko martxoaren 1a / 17. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

## Ekitaldi ugari Emakume Langilearen Eguna ospatzeko

UBANE MADERA

Emakume Langilearen Nazioarteko Eguna da datorren barikuan, martxoaren 8an. Egun hori ospatzeko, herriko Udalak eta Itur Zuri emakume elkarteak ia aste osoko egitarau bete antolatu dute. Besteak beste, barikuan, herriko emakumeendako afaria izango da.

Astelehenean, martxoaren 4an, hasita, barikura arteko egitarau biribila antolatu dute Aramaion, Emakume Langilearen Nazioarteko Eguna ospatzeko.

Astelehenean, Euskal Herriko arkeologiaren gaineko hitzaldia izango da arratsaldeko sei eta erdietan kultura etxean. Martitzenean, beste hitzaldi bat izango da; oraingo honetan, sorginen inguruan. Rosa Maria Aguado

izango da hizlaria. Hitzaldi hori ere 18:30ean hasiko da eta kultura etxean izango da.

Eguaztenean, berriz, antzerkia izango da ikusgai. *Lo que el norte se llevó* izeneko antzezlanak ikusteko aukera izango da 18:30etik aurrera kultura etxean. Antzezlan horren bitartez, kanpo-zorraren inguruko gaia jorratuko dute.

Eguenean, beste mota bateko ikuskizuna izango da: *Los padres de ella* izeneko filma emango dute kultura etxean 18:30etik aurrera; eta gero, film hori bera komentatzeko aukera izango da, kafearekin lagunduta.


Eta bukatzeko, barikuan, 19:00etan, Gasteizko Sukuma taldeak perkusio kontzertua emango du kultura etxean. Eta gero, emakumeendako afaria egingo dute San Martin Eskolako jangelan. 20:30ean izango da afaria, eta Oletako emakumeek Udalak ipinitako autobusa izango dute afarira joan ahal izateko. Joan gura duenak aurrez ordaindu beharko du afaria: Itur Zuri elkarteak bazkide direnek sei euro, eta ez direnek, bederatzi euro.

Ekitaldiok Udalak eta Itur Zuri emakume elkarteak antolatu dituzte, Aldundiko Ongizateko Erakundeak diruz lagunduta.



ARTXIBOA

Hitzaldiak, antzerkia, zinema, kontzertua eta afaria izango dira datorren astean.



## Pintada mordoa agertu dira

Joan den asteko eguen gauean, ezezagunen batek argazkian ikusten duzuen itxurarekin utzi zituen herriko udaletxearen aurrealdea eta sarrerako zati bat. Haren protestaren zergatia azaltzen duen ezelako idatzi eta argibiderik ipini barik, goitik behera margotu zituen udaletxe inguruak, esprai urdinarekin.

Edozelan ere, herriko plazako sarreran, plazan aparkatzea debekatuta dagoela esaten duen seinalea dago, eta hura ere urdinez margotuta agertu da; uste dute aparkatzeko debekarekin haserre dagoen herritarren batek egin dituela pintadak.

## HERRITARREN HITZA/Rosa Mondragón • Kazetaria

### ZAPPING, zapping, zapping

Nolako telebista dugun! Ez dira konformatzen ikuslea egun osoa telebista aurrean egoteko iragarki konbentzigarriak diseinatzearekin; orain, 906 telefono zenbakietara deitzeko moda ere sortu dute, baina zertarako? Akaso zuri ere gertatu zaizu: telebista programa bat ikusten zaudela, aurkezleak 906 telefono batera deitzeko gonbita egiten dizu, gehienetan sari eder bat eskuratzeko aukera behin eta berriro errepikatu ondoren.

Zergatik ez? deitzen duzu, baina *ti-ti-ti*, komunikatzen dago. Berriz ere saiatu eta, beste aldean ahots liluragarri bat entzuten duzu, musika girotuaz

ez dakit zenbat denbora itxaroteko agintzen. Bitartean, norberaren telefono fakturak gora egiten du eta 906 telefonoaren kontua potolatu egiten da. Gehienetan deitu duen ikusleak bere horretan uzten du deia, itxaroten aspertuta. Eta horri *telebista interaktiboa* esaten diote.

Egia da telebistaren negozioak errentagarritasun formula berriak bilatzeko eskubide osoa duela, baina telebista publikoak?



"Eta nork babesten du telebista ikuslea?"

Non datza telebista publikoaren eta pribatuaren arteko desberdintasuna? Iaria ikusezina dela esango nuke. Eta nork babesten du ikuslea? Nork garantizatzen dio telefono dei jakin bat egiteagatik ez diotela gehiegizko kopurua kobratuko?

Telebista kateen kompetentzia gero eta gogorragoa da. Modako azken programa ateratzeko edozer gauza egiteko prest daude. *Gran Hermano* eta *Operación Triunfo*

moduko programak gutxi badira ere, jadanik AEBetan, Frantzian, Japonen eta Australian beste programa mota berri bat asmatu dute; helburua lehiaketako partaideak erridikulizatzea da, hau da, barregarri uztea. Galdera-erantzunen lehiaketa izanik, partaideak erantzun okerra ematen duen bakoitzean, astakeriak esaten dizkiote. Aipatutako herrialdeetan sekulako arrakasta lortu dute antzerako saioek, eta badirudi laster helduko direla gugana. Bitartean, gozatu *Operación Triunfo*-ren azkenengoarekin eta prestatu *Gran Hermano*-ren 3. aldirako, badator eta!

## LABUR

### Kultura elkarteendako laguntza deialdia

Joan den astean, irabazi astorik gabeko kultura erakundeendako dirulaguntzak izan genituen berbaigai. Guk adierazi genuen arabera, bukatuta zegoen laguntzak eskatzeko epea, baina zuzenketa egin beharra dugu. Izan ere, Zuzeneko Koadrilako Kultura Sustapentzaile Zuzenak argitu digun moduan, dirulaguntza horiek eskatzeko epea datorren martxoaren 25erarte dago zabalik. Hortaz, herriko kultura elkarteak garaiz dabilta oraindik.

**TELEFONO JAKINGARRIAK**

**OSASUNA / LARRIALDIAK**

Osasun etxea (bandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal Kiroldegia	945 44 53 35
Postetxea	945 44 50 83
Zubiako Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	

GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

**OHARRAK**

**PALETAKO FINALERDIAK**

Atzeratutako partiduen emaitzak honakoak dira: Ojanguren-Garaita 35, Emilio-Xabi 6; eta Abarrategi-Arriolabengoa 35, Amasene anaiak 34. Gauzak horrela, oraingo asteburuan, finalerdiak jokatuko dituzte. Gaur, Armendarizek eta Orobengoak Ojangueren eta Garaitaren kontra jokatuko dute, 21:00etan. Eta bihar, 09:00etan, Barandiaran aita-semeek Azurmendi eta Arriolabengoa izango dituzte aurrez aurre. Irabazten dutenek elkarren kontra jokatuko dute paleta txapelketako finala.

**ARETO FUTBOLA**

Bihar, zapatua, Bañerako kadete mutilek Baro-Caloren kontra jokatuko dute 11:00etan. Eta neskek, berriz, Menesianosen kontra jokatuko dute 12:00etan. Bestalde, aurreko aste bukaeran, neskek 6-1 irabazi eta mutilek 5-10 galdu zuten.

**ZINEMA**

*Abentura Elefantastikoa* filma izango da 17:00etan.

**KULTURA**

**Amaia, Beatriz eta Lorea, Txirritola elkarteko ipuin lehiaketako irabazleak**

Txirritola Euskara Elkarteak zapatuan banatu zituen ipuin lehiaketako sei sariak. Hauexek izan dira, parte hartu duten 21 lagunen artean, irabazle aukeratu dituztenak: Lehen Hezkuntzako bigarren zikloan Amaia Kortabarria lehenengo eta Ane Heriz bigarren; Lehen Hezkuntzako hirugarren zikloan Beatriz Azurmendi lehenengo eta Andrea Goikoetxea eta Markel Arriolabengoa bigarren; eta DBHko lehenengo zikloan Lorea Ojanguren lehenengo eta Jone Arriolabengoa bigarren.

Lehenengo Hezkuntzako irabazleei erosketa-txartelak eman dizkiete Arrasateko Discopolis edo Tamayo dendetan trukatzeko. Eta DBHko irabazleei, lehenengoari 120 euro eta bigarrenari, 90 euro. Zorionak, guztioi!



**HERRIKO JOKOAK**

**APUSTUAK**

Apustuak baino gehiago, erakustaldiak izaten ziren. Hala ere, Ibarrako jaietan, gerra aurretik, aizkora apustuak izaten ziren. Hauetako batera Agiñeta ere etorri ei zen.

Sari onak izan ei ziren: urrezko ontza edo ontza erdia.

Idi-demak ere izaten ziren. Gaur egun, proba horietan erabilitako harriak Santa Anako ermitaren aldare gisa dago bata (idiek erabiltzen zutena, handiena), eta bestea ermita aurrean (behiek erabiltzen zutena).

Jaietan, Marixekan, ahari eta oilar jokoen erakustaldiak ere antolatzen ziren. Era berean, txinga eta sokatira.

*Edar* edo *pegar* apusturik ez zegoen. Hala ere, neska gazteak Oleta partean prestutasun edo dotorezia handiarekin eramaten ahalegintzen ziren.

Ontzi hori sorkiaren gainean jartzen zuten, artilez eta trapuz egindako buruko bigungarrian.

'Aramaioko joko eta jolasak' Gabiñe Insausti eta Patxi Aizpurua

**BOTE PRONTOAN / Enrike Gardoki · Arexolako auzo-alkatea**

*“Esaten dute Arexolakoa moduko eliza bi daudela Euskal Herrian edo beharbada Araban bertan”*

**A**rexola auzoa bisitatu dugu oraingo astean. Enrike Gardoki auzo-alkateak gustura asko erakutsi dizkigu plaza eta inguruak, baita auzotik ikusten diren paraje paregabeak ere. Betiko moduan, guk auzoaren gainean galdetu diogu:

**Zenbat zarete Arexolan?**

Berrogei lagun inguru. Zortzi baserri eta txalet bat. Lehen bezain beste baserri, baina jende gutxiago. Nik ezagutu dudanetik hona erdi ingurura jaitsi da auzotar kopurua.

**Zelan ba?**

Adibidez, Untzetan sei anai gara eta neu bakarrik bizi naiz hemen. Etxe askotan pasatu da antzerakoa. Gehienak Arrasatera, Eibarrera, Antzuolara...

joan dira bizi izatera. **Aurrera begira gehiago hustuko da auzoa?**

Ez dut uste. Nik uste dut jendea berriro lasaitasun bila dabilela edo beheko zulotik irteteko gogoarekin.

**Berezitasunen bat badu?**

Haize gogorra ibiltzeaz gain, hemengo baserriak pila-pila eginda daude, plaza inguruan. Keizti baserria hemendik kilometro batera-edo dago, baina beste guztiak bata bestea ukitzen daude ia-ia.

**Hortaz, auzotarrok elkartzeko ez duzue inongo arazorik?**

Bat ere ez. Eliza ere erdi-erdialdean dago, Lagun Artea lokala ere bertan dago...

**Eliza berezia ei duzue.**

Oso antzinakoa da. Dena da



zuzekoa eta esaten dute Euskal Herrian edo Araban horrelako bi bakarrik daudela. Ia astero etortzen da autobus bete jende eliza ikustera. Auzoan domekero erabiltzen dugu eliza, garbitu ere geuk egiten dugu. **Konpontzeko asmorik edo?** Kanpotik ez dago oso ondo, baina barrutik nahiko ondo dago. Dena dela, ibili ziren barruko egurra bistaratzeko asmoarekin, baina horretarako dirua behar da. Auzoak ezin du eta Elizarena denez...

**Zer du auzoak erakusteko?**

Jendeak dio polita dela, plaza ingurua-eta... Sekulako parajeak ere ikusten dira hemendik. **Dontxoren alaba auzokoa zen?** Bai, orain ere jendea bizi da han, bi etxebizitza daude.

**ASESORIA ARRASATE**

- Juridikoa
- Lan arloa
- Fiskala
- Bankinter finantza agentea

Erdiko kale, 32. 1 ezk • ARRASATE  
Tel.: 943 79 01 47 Faxa: 943 79 73 00

**Aretz**  
Taberna

Markole, 5  
943 79 14 67

**CLUB IYOLA**

Elgetara bidea  
BERGARA  
943 76 11 29